



Þingskjal nr. 3

Flytjandi stjórn LH

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir reglugerð um agamál er verði hluti af nýrri reglugerð um mótahald á Íslandi.

Reglugerðin orðist svo:

1. Úskurðarnefndir og dómstóll ÍSÍ

1.1 Yfirdómnefnd

Á öllum mótum starfar yfirdómnefnd, sem hlutast til um að mót fari eftir lögum og reglum LH og ÍSÍ. Hún veitir áminningar, sýnir mönnum gul eða rauð spjöld, eftir atvikum og vísar mönnum úr keppni, sé þess þörf. Yfirdómnefnd skal dæma keppendur í keppnisbann vegna brota á reglu 1.7 (Dregið til baka úr keppni).

Yfirdómnefnd skal innan sólarhrings frá mótsslokum, senda Úrskurðar- aganefnd LH mótsskýrslu, einnig skal hún samhliða skilum á mótsskýrslu til Úrskurðar- og aganefndar senda sérhverjum þeim sem getið er í mótsskýrslu vegna brota á lögum og reglum LH, afrit skýrslunnar.

Yfirdómnefnd skal heimilt að senda inn kæru til Úrskurðar- og aganefndar, telji hún þess þörf.

Ákvarðanir Yfirdómnefndar um viðurlög vegna brota á reglum sem falla undir lið 1.2.4 (Dæmt úr leik og agaviðurlög) eru endanlegar og verða ekki kærðar til Úrskurðar- og aganefndar. Heimilt skal þó að kæra til Úrskurðar- og aganefndar ákvörðun yfirdómnefndar um að dæma keppanda í keppnisbann.

Um heimild til að leggja fram kæru, viðurlög sem heimilt er að beita keppendur og rétt þeirra til að áfrýja ákvörðunum dómara og/eða annarra starfsmanna móts til Yfirdómnefndar gilda ákvæði reglna 1.1.2, 1.2.3 og 1.2.4 hér að neðan.

1.1.1. Yfirdómnefnd skal skipuð eftirtöldum aðilum:

- Mótsstjóra eða fulltrúa hans, áður tilnefndur af honum
- Meðlimi framkvæmdanefndar
- Yfirdómara eða meðlimi dómara starfsliðs, áður tilnefndur af honum
- Formanni keppnisnefndar LH eða fulltrúa hans, áður tilnefndur af honum.
- Talsmanni knapa, kosinn fyrir upphaf keppni af virkum keppendum. Ef finna þarf staðgengil knapa tekur knapinn með næstflest atkvæði úr kosningunni hans sæti. Á sérstökum barna- og



unglingamótum skal það vera æskulýðsfulltrúi LH (formaður æskulýðsnefndar) eða annar fulltrúi tilnefndur af mótshaldara.

Á mótum sem eru ekki World Ranking mót, er heimilt að yfirdómnefnd sé aðeins skipuð þremur aðilum, Yfirdómara, mótsstjóra og fulltrúa knapa og skal yfirdómari vera formaður hennar.

1.1.2. Heimild til að leggja fram kæru á yfirstandandi móti.

Hver sá sem telur sig órétti beittan, birt dagskrá sé óréttlát eða brjóti á rétti keppenda (conditions of the schedule), eða vegna brota á lögum og reglum LH hefur rétt til að leggja inn kæru til yfirdómnefndar. Hið sama gildir um alla dómara, skipuleggjanda eða mótsstjóra.

Kæurur vegna ákvarðana dómara geta einungis verið byggðar á því að lög og reglur LH hafi verið brotnar eða reglur um óhlutdrægni.

Kæru þarf að leggja fram skriflega til mótsstjóra í síðasta lagi hálf tíma eftir lok hlutaðeigandi keppnisgreinar, ásamt greiðslu tryggingar til mótshaldara, að upphæð kr. 28.000 eða jafnvirði í erlendri mynt. Þar af skulu kr. 7.000 ávallt vera óendurkræfar.

Kæru vegna tímatöflu eða framkvæmd keppnisgreinar þarf að leggja fram fyrir upphaf móts eða viðeigandi greinar.

Trygging skal endurgreidd ef fallist er á að fullgildar ástæður séu fyrir kærinni.

1.2 Keppandi dæmdur úr leik og agaviðurlög

1.2.1 Gildissvið

Reglur varðandi það að menn séu dæmdir úr leik og agaviðurlög eru gildar á öllum mótum allt frá því að knapi og/eða hestur hans kemur inn á mótssvæðið í fyrsta skipti þangað til knapi og hestur(hestar) hans fara af mótssvæðinu í síðasta sinn.

Knapi telst vera ábyrgur fyrir hesti (hestum) sem hann tekur þátt í keppni með á einhvern hátt.

1.2.2 Skrá yfir agaviðurlög

FEIF heldur skrá yfir allar skýrslur um viðvaranir og keppnisbönn sem tilkynntar eru til FEIF, vegna brota á agareglum sem lýst er í þessum [kafla].

Viðvaranir og keppnisbönn skulu birt á vefsíðu LH og tilkynnt af LH til FEIF þegar ákvörðun liggur fyrir. Tilkynning skal send FEIF með ábyrgðarbréfi fyrir lok ofangreinds frests eða tölvupósti. Ef tilkynning er send með tölvupósti, verður FEIF að staðfesta móttöku. Afrit tilkynningar skal einnig sent viðkomandi aðila/aðilum. FEIF tekur enga efnislega afstöðu til málsins að öðru leyti en því að ganga úr skugga um að ákvörðun stafi frá úrskurðarnefnd í aðildarríkinu, sem er til þess bær að taka viðkomandi ákvörðun.

Reglur um opinbera viðvaranir skulu einungis eiga við um knapa sem orðnir eru 18 ára (miðað við almanaksár) eða eldri á fyrsta degi móts.



1.2.3 Viðurlög

Eftirtalin viðurlög má nota ein og sér eða saman vegna brota á lögum og reglum LH:

- Útilokun frá keppnisgrein
- Viðvörðun sem ekki er gerð opinber
- Viðvörðun sem gerð er opinber
- Brottrekstur af móti
- Keppnisbann

Brottrekstri af móti og keppnisbanni skal ávallt beita ásamt opinberri viðvörðun.

Íslensk sérregla: Ekki skal dæma keppendur yngri en 18 ára (miðað við almanaksár) í keppnisbann.

1.2.4. Dæmt úr leik og agaviðurlög

Brot á lögum og reglum LH eru flokkuð og meðhöndluð samkvæmt töflu hér á eftir. Skilyrði fyrir beitingu viðurlaga eru gefin til kynna með eftirfarandi tölustöfum þannig:

(1) Séð af 2 eða fleiri dómurum:

- A.m.k. tvö gul spjöld sýnd: Viðvörðun, sem verður að lokum birt
- 2 rauð spjöld eða fleiri sýnd: Viðkomandi skal dæmdur úr keppnisgrein

Dómari getur sýnt rautt og gult spjald samtímis.

(2) Má kæra til yfirdómnefndar (á viðkomandi móti)

(3) Má kæra til Úrskurðar- og aganefndar LH

(4) Staðfest af sport fulltrúa, mótsstjóra eða yfirdómara á viðkomandi móti

(5) Úrskurðað á fundi dómara

(V) Eingöngu eftir dýralæknisskoðun



BROT	Dæmt úr keppnisgrein	Viðvörðun – ekki gerð opinber	Viðvörðun – gerð opinber	Brottrekstur af móti	Keppnisbann
A) Knapi brýtur reglur við innkomu á völl, kveðju eða þegar völlur er yfirgefinn	1)				
B) Knapi fer af baki án leyfis	1)				
C) Knapi hunsar reglur í grein sem hann er að keppa í	1)				
D) Brot á reglum um reiðtygi	1)				
E) Ef einstaklingur kemur óorði á nafn samtaka og/eða keppni á íslenskum hestum		1) eða 4) 2)	4) eða 5) 2)	4) eða 5) 2)	4) + 2) 3)
F) Ósanngjörn eða ruddaleg meðferð á hesti, á eða utan vallar	1) eða 4) 2)	1) eða 4) 2)	4) eða 5) 2)	4) eða 5) 2)	4) + 2) 3)
G) Brot á siðareglum	1) eða 4) 2)	1) eða 4) 2)	4) eða 5) 2)	4) eða 5) 2)	4) + 2) 3)
H) Keppt á hesti sem haldinn er smitandi sjúkdómi	V) + 1) eða 4) 2)	V) + 1) eða 4) 2)	V) + 4) eða 5) 2)	V) + 4) eða 5) 2)	V) + 4) + 2) 3)
I) Notkun efna sem geta haft áhrif á frammistöðu hests eða knapa	V) + 1) eða 4) 2)	V) + 1) eða 4) 2)	V) + 4) eða 5) 2)	V) + 4) eða 5) 2)	V) + 4) + 2) 3)
J) Blekking eða tilraun til blekkingar við skráningu eða þátttöku á móti, t.d. boðar ekki forföll	1) eða 4) 2)	1) eða 4) 2)	4) eða 5) 2)	4) eða 5) 2)	4) + 2) 3)
K) Hlýtir ekki ákvörðun úrskurðarnefndar	4) 3)			4) 3)	



1.3 Úrskurðar- og aganefnd

Úrskurðar- og aganefnd úrskurðar um brot á lögum þessum, reglugerðum og reglum LH og ákvarðar viðurlög, í samræmi við reglur Úrskurðar- og aganefndar. Einnig er heimilt að kæra til Úrskurðar- og aganefndar ákvarðanir yfirdómnefndar, að því marki sem þær eru ekki háðar endanlegu ákvörðunarvaldi Yfirdómnefndar. Þá getur Úrskurðar- og aganefnd veitt keppendum og starfsmönnum móta áminningar og dæmt keppendur í keppnisbann, í samræmi við reglur um Úrskurðar- og aganefnd sem stjórn LH setur.

Úrskurðir nefndarinnar skulu vera skriflegir og skulu kveðnir innan [14] virkra daga eftir að öll gögn og upplýsingar liggja fyrir. Ákvörðun eða úrskurðir um keppnisbann skal þó kveða upp innan [5] daga frá mótslokum. Úrskurðar- og aganefnd LH skal skipuð þremur aðalmönnum og tveimur til vara. Formaður skal vera löglærður. Nefndarmenn skulu skipaðir af stjórn LH, að loknu landsþingi, til tveggja ára í senn.

Nefndin starfar samkvæmt úrskurðar- og agareglum LH og skulu a. m. k. þrír nefndarmenn taka þátt í ákvörðun nefndarinnar og skal a. m. k. einn þeirra vera formaður eða varaformaður.

Um hæfi þeirra sem skipa Úrskurðar- og aganefnd skal farið eftir hæfisreglum stjórnarsýslulaga. Þeir sem skipaðir eru í Úrskurðar- og aganefnd skulu ekki eiga sæti í stjórn LH. Sé nefndarmaður í Úrskurðar- og aganefnd jafnframt stjórnarmaður í aðildarfélagi LH skal hann víkja sæti við meðferð máls sem snertir félagsmann þess félags.

Verkefni Úrskurðar- og aganefndar:

- a. Úrskurðar- og aganefnd úrskurðar um brot á lögum og reglum LH á grundvelli mótsskýrsla frá Yfirdómnefnd og ákvarðar viðurlög í samræmi við reglur Úrskurðar- og aganefndar og lög og reglur LH.
- b. Heimilt er að kæra til Úrskurðar- og aganefndar ákvarðanir Yfirdómnefndar um áminningar og keppnisbann.

Kæra til Úrskurðar og aganefndar skal vera skrifleg. Frestur til að leggja fram kæru skal vera 48 klst. frá mótslokum ef kæra varðar ákvörðun Yfirdómnefndar.

Í öðrum tilvikum ber að senda kæru til Úrskurðar- og aganefndar innan 48 klst frá því að kæranda varð ljóst eða hefði mátt vera ljóst um þau atvik sem hann telur að brotið hafi á réttindum sínum eða hagsmunum samkvæmt lögum og reglum LH.

Í þeim tilvikum þegar Úrskurðar- og aganefnd ákvarðar viðurlög vegna atvika sem getið er um í mótsskýrslu (og kæránleg eru til Úrskurðar- og aganefndar) og ekki hafa áður verið tekin til ákvörðunar Yfirdómnefndar, skal Úrskurðar- og aganefnd gefa aðila 48 klst. frest til að senda inn skrifleg mótmæli eða athugasemdir um það/þau atvik sem getið er um í mótsskýrslu, áður en ákvörðun er tekin.

Stjórn LH er heimilt að skjóta til Úrskurðar- og aganefndar öllum málum sem varðar brot á lögum og reglum LH í samræmi við ákvæði greinar 1.6.1 í lögum LH.



Um málsmeðferð fyrir Úrskurðar- og aganefnd vísast til reglna um Úrskurðar- og aganefnd.

Ákvarðanir Úrskurðar- og aganefndar eru kærnanlegar til Dómstóls ÍSÍ.

Stjórn LH er heimilt að setja nánari reglur um Úrskurðar og aganefnd LH, þar sem nánar er kveðið á um verkefni og starf nefndarinnar.

1.4 Dómstólar ÍSÍ

Dómstólar ÍSÍ hafa fullnaðarlögsögu í málefnum sem upp kunna að koma innan LH. Dómstólarnir starfa skv. lögum um dómstóla Íþróttá- og Ólympíusambands Íslands.

Greinargerð:

Reglur þessar fjalla um það hverjir ákvarða viðurlög fyrir brot á lögum og reglum LH, hvaða viðurlög heimild er að viðhafa og rétt manna til að kæra ákvarðanir um viðurlög.

Ekki er um grundvallarbreytingu á þessum reglum að ræða frá því sem þær eru í dag, en nú er á einum stað greint frá því með tæmandi hætti hvaða úrræði eru til staðar vegna brota á lögum og reglum LH.

Í núgildandi lögum eru þessar reglur annarsvegar í grein 2.7 (Andmæla- og agareglur) og hinsvegar í 2.8 (Íslenskar sérreglur).

Reglur um Yfirdómnefnd.

Ekki er um teljandi breytingar á ræða frá núgildandi reglum. Helstu breytingar eru:

- Yfirdómnefnd getur tekið ákvörðun um keppnisbann í þeim tilvikum þegar keppandi mætir ekki í úrslit án þess að boða forföll. Í núgildandi reglu, grein 8.5.8 segir að keppandi skuli dæmdur í tveggja vikna keppnisbann, mæti hann ekki í úrslit. Í reglu FEIF S7.1, sem verður regla Í7.1 skal yfirdómari dæma knapa í tveggja vikna keppnisbann í þessu tilviki og senda tilkynningu til FEIF. Það hefur verið nokkuð á reiki hvernig fara skuli með þessa reglu. Þ.e. hvort það sé yfirdómnefnd eða aganefnd sem skuli dæma menn í keppnisbann vegna þessa, samanber t.d. dóm ÍSÍ nr. 6/2001. Verði reglan samþykkt er óvissa um þetta eytt, Tímalengd keppnisbann er ákveðið í lögnum en það er tvær vikur.
- Hnykk er á því í reglunum að ekki allar ákvarðanir séu kærnanlegar til Úrskurðar- og aganefndar. Hér hér um að ræða ákvarðanir dómara og annarra sem kæra ber til Yfirdómnefndar innan 30 mínútna frá lokum viðeigandi keppnisgreinar. Þetta á þó ekki við um það tilvik þegar Yfirdómnefnd dæmir keppanda í keppnisbann, en slík ákvörðun er kærnanleg til Úrskurðar og aganefndar.
- Almenn heimild Yfirdómnefndar til að fella niður árangur knapa sem vísað er úr keppni samkvæmt núgildandi reglu gr. 2.8.9.3. fellur brott. Ekki er sambærileg regla í FEIF, en fjallað er um í nokkrum mismunandi greinum um heimild til að fella niður árangur knapa sem hefur gerst brotlegur við reglur, sbr. t.d. Gr. 8.1.4.2 verður regla A8.5.2.1 (Knapi mætir ekki í fótaskoðun), gr. Í1.6 ef knapi mætir ekki í búnaðarskoðun og gr. 8.5.8 verður regla Í1.7 (Dregið til baka úr keppni).
- Yfirdómnefnd skal innan sólarhrings frá mótlokum, senda Úrskurðar- aganefnd LH mótsskýrslu, einnig skal hún samhliða skilum á mótsskýrslu til Úrskurðar- og aganefndar senda sérhverjum þeim



sem getið er í mótsskýrslu vegna brota á lögum og reglum LH, afrit skýrslunnar. Í núgildandi reglum er fjallað um þetta í gr. 2.8.7. en þar eru engin tímamörk á því hvenær Yfirdómnefnd skal búin að senda skýrslu til aganefndar. Breyting lítur að því að það skuli hún gera innan sólarhrings frá mótslokum.

Reglur um Úrskurðar- og aganefnd

Ekki er um grundvallarbreytingu að ræða frá þeim reglum sem almennt hefur verið talið að gildi um aganefnd. Hér er þó verið að hnykkja á hlutverki nefndarinnar og tilgangi hennar.

Lagt er til að nafninu verði breytt og nefndin muni eftirleiðis heita Úrskurðar- og aganefnd.

Hlutverk hennar verði að vera áfrýjunarnefnd vegna ákvarðana Yfirdómnefndar sem kærður eru til Úrskurðar- og aganefndar, en einnig starfi nefndin sem úrskurðarnefnd og úrskurði um brot á lögum og reglum LH.

Önnur helsta breytingin er að stjórn LH hefur nú heimild til að skjóta málum til nefndarinnar, vegna brota á lögum LH í allt að 1 ár frá því að atvik átti sér stað eða frá lokum þess móts sem við á.

Til viðbótar ofangreindu má nefnda, sá á við um hvort sem mál er til meðferðar hjá Yfirdómnefnd eða Úrskurðar- og aganefnd að verði þessar reglur samþykktar verður ekki heimilt að dæma börn yngri en 18 ára miðað við almanaksárið í keppnisbann. Eins skulu reglur um opinbera viðvörðun einungis eiga við um börn eldri en 18 ára.